

蛟

湖

詩

鈔

重刊蛟湖詩鈔序

寧化癭瓢山人。久以畫名於前清雍乾間。尺紙零縑。世爭寶貴。顧人罕知其能詩。余近從雷子肖錢處。得讀其蛟湖詩鈔。大率自抒胸臆。渾樸古茂。絕無俗韻。七絕尤得晚唐神髓。雷翠庭先生序稱山人字與畫可數百年物。詩且傳之不朽。非諛語也。余行年忽忽四十。百無一就。最愛山人壯不如人。何待老。文難媚世。敢云工句。悚然自慚。曾書爲楹帖。用以自勵。蓋山人詩本非以詩家名。卽其畫亦非徒以畫名。當其時久客江南。借畫養母。山人者固孝子也。故

其詩皆從眞性情流出。不屑屑與詩家較短挈長。讀其詩者。自能得其人矣。予嘗論吾汀人文。近三百年來。獨萃於寧化。如寒支之文章氣節。翠庭之理學。墨卿之書。山人之畫。而兼詩。皆可卓然傳諸百世。意其山水之奇。必當甲於他邑者。年來奔走南北。而於同郡之地。尙未一游。目心良自歉。行將一笠一屐。歸探圃珣石巢之勝。訪諸鄉先生之故居。以償其夙願。山水有靈。當亦許我乎。肖錢將集貲重刊山人詩。屬余爲序。因畧書所見。以質肖錢。並藉是爲他日游寧約也。民國二年七月上杭丘復謹序於冶山東麓。

余同里有瘦瓢山人。好山水。耽吟咏。善畫。工書。少孤。資畫以養母。遊廣陵。迎母奉晨昏。母思鄉井。則侍以歸。余素不知畫。獨愛誦其詩。如巉巖絕巘。烟凝靄積。總非凡境。其字亦如踈影橫斜。蒼藤盤結。然則謂山人詩中有畫也。可。字中有畫也。亦可。山人性脫落。無城府。人多喜從之游。或謂山人畫與字可數百年物。詩且傳之不朽。山人來訪。余爰書此以序而歸之。山人姓黃。字恭壽。名慎。不樂人知其名字。自署瘦瓢山人云。翠庭雷鉞題。

蛟湖詩鈔

序



閩中黃山人以畫游於揚、余耳其名久矣。壬子春偕寓於白下，始相見，意態殊落落，已乃數晨夕，益親顧，時時讀書，或靜坐，殊無意於畫者。聆余詩閒遠蕭疎，如其畫。山人蓋高士也。外間知之者半，以畫貴人爭迎致之，又多以寫真。一日山人謂余曰：某之爲是，非得已也。某幼而孤，母苦節，辛勤萬狀，撫某旣成人，念無以存活，命某學畫，又念惟寫真易諧俗，遂專爲之。已旁及諸家，差解古人法外意，行遊豫章，遍吳越，以直歸，供菽水，多歷年所，母垂老，不欲遠離，奉以來揚，今復數年矣，貧如故，老人思歸矣，言已泣然。余

太息良久。山人既王畫，又王詩，勤讀書，書卷之氣溢於行墨，故非世俗人，乃復篤於至性如是，豈以目皮相者所知耶？因語山人，余隸史氏，他日傳獨行，亦當爲山人寫真。山人解顏一笑，山人名慎，字公懋，又字恭壽，將歸閩爲予作冊，於古今人物山川草木之情狀，着墨無多，生韻迥出，蓋蕭然於煙楮之外者。山人之畫亦豈易知也哉！余書以詒之。他日暮雲春樹，見此當思余之戀戀於山人也。雍正十二年歲次甲寅莫春之初，己山王步青書於邗上寓齋。


瘦瓢山人小傳

瘦瓢山人者、閩汀之寧化人也、性穎慧、工繪事、自其少時、於山川翎毛人物、下筆便得造物意、已迺博觀名家筆法、師其匠巧、又復縱橫其間、踔厲排異、不名一家、不拘一格、雖古之董巨徐黃、不能遠過也、予曩蒞綏陽、山人方飢驅走四方、及山人返里居、握手外、於筆墨間、快領山人意趣、知山人挾持有過人者、非一切弄筆瀋墨之所可冀也、山人嘗言、予自十四五歲時、便學畫、而時時有鶻突於胸者、仰然思、恍然悟、慨然曰、予畫之不工、則以余不讀書之故、

於是折節發憤、取毛詩三禮、史漢、晉宋間文、杜韓五七言、及中晚李唐詩、熟讀精思、膏以繼晷、而又於昆蟲草木四時、推謝榮枯、歷代制度、衣冠禮器、細而至於夔、虺、蛇、風、調、調、刁、刁、罔不窮厥形狀、按其性情、豁然有得於心、應之於手、而後乃今始可以言畫矣、嗚呼、觀山人之畫、讀書格物之學、可以奮然而興矣、予嘗拭斐几、淨端石、磨古墨、濡名筆、以待其至、至則解衣盤礴、譚元道古、移日永夕、若忘其爲欲畫也者、促之再三、急索酒、力故不勝酒、一甌輒醉、醉則興發、濡髮舐筆、頃刻颯颯、可了數十幅、舉其生平所得

於書而靜觀於造物者、可歌、可泣、可喜、可愕、莫不一一從
十指間出之、雖擔夫、豎子、持片紙、方逡巡、不敢出袖間、亦
欣然爲之揮灑、題署當其意、有不可操、繚帛、鄭重請乞者、
矯尾厲角、掉臂弗顧也、顧山人漫不重惜其畫、而常自矜
其字與詩章、草懷素、張之壁間、如龍蛇飛動、長篇短什、每
樂以示人、倉遽忙迫、牽人手口、喃喃誦不休、或遺忘則廻
首顧其徒曰、云何、云何、其磊落自喜如此、山人心地清、天
性篤、衣衫褊、襪一切利祿計較、問之茫如、而所得襪材、貲
盡舉以奉其母、母節孝、爲傾囊請於官、建立坊表、妻與子


或至無以糊其口、山人孝子也、豈徒以畫師詩人目之哉、
山人姓黃名慎字躬懋、改字恭壽、合肥許齊卓撰、



寧化黃山人以繪事擅場雍正改元來揚持縑素造門者無虛日揚之人遂咸知有山人之畫已而山人稍稍出其詩示予五律尤清脫可喜予於是又知山人之詩山人告予曰慎之寄於畫也非慎志也慎別吾母而來揚爲謀吾母之甘旨也此地誠可以謀甘旨矣慎將歸予詰其故凄然曰慎非畫無以養母母不見慎卽得甘旨弗食也慎將歸迎母子異之越數月山人往返六千里竟奉母來山人每晨起拭几滌硯蘸筆伸紙濡染淋漓至日旰不得息得間輒從四方諸聞人賦詩於是世人亦漸知畫不足以盡

山人之能事、山人之畫風趣閒遠、出入仲圭子久間、間變法出新、適能自拔於畦徑之外、又善寫生、落紙栩栩欲活、酒酣興至、奮袖迅掃、至不自知其所以然、故世之人能盡知山人之畫者亦少、山人既熟悉吾揚風土、家人胥安之、一夕忽告別曰、吾母久而思歸矣、嗟乎、山人思母、則迎母來、山人之母思歸、則將母去、然則知山人者、且不當徒以其詩而況於畫乎、唐六如云、閒時自寫青山賣、不使人間作業錢、束皙之補南陔曰、馨爾夕膳、潔爾晨餐、山人作畫以供晨夕、則與南陔之稱馨潔者似矣、然則世果能重山

人之畫亦未爲不知山人廣陵馬榮祖力本氏拜撰



蛟湖詩鈔

序

三



瘦瓢山人蛟湖詩鈔卷一

三四五七言古

閩寧化黃慎恭壽氏著

雜言

龜有靈殼有斐陷泥塗猶曳尾
野鶴饑不營祿家肥未爲福
蝶敷文兒所侮蜂藏毒誰敢覩
晴持蓋防陰雨刈枳棘疆園圃

古意

啞性多果聾性多喜與其緘口不如充耳
黃蜂乘春采采聲疾盼得春歸傷哉割蜜

短歌

虎嘯風至龍舉雲從皇靈剌剌萬國朝宗
欲遊四瀆以待衝風試問馮夷驂騁二龍
黃河湯湯欲濟無航我欲叱之龍鼉爲梁
蓬矢射革枉張強弩功則何成取哂佞虎
蔡草有毒魚蝦不知誰投于水圍圉飼之
萬壑幽寒雨霰吹殘絕無人徑惜蟾蜍蘭

雜言

饑思食渴思水女兒長大愛抱隣婦子
采花貼額臨水自視不自誇好堂前問姊
儂愛桐花桐花多實不羨合歡中有得失
門鎖春風香薰入髓眼看女伴歸寧抱子

短歌

東方日出照我扶桑太息徃徃目極荒荒
百獸之長樞星爲虎誰設檻穿尾搖首俯
衛公寵鶴受祿乘軒吳王送女舞鶴喧闐

懷義含仁四靈麟首網罟不羅維瑞維壽
稽康燈燃照此魍魅恥與爭光理琴滅燧
雁同帛玉以賀秦繆實維得士社稷之福

雜言

水性無機桔槔所陷雲自無心太虛可鑑
黃犢恃力無以爲糧黑鼠何功安享太倉

短歌

智苦卞和三獻而琢玉在中泣何能還璞

長相思

長相思久離別郵亭目斷西風烈肝欲摧腸如結淚灑戒
行裝竚立晚車轍去去路應遙朝朝塵不滅

長相思離別悲寂寂春歸柳萬絲薰風過朔風吹楓落斜
陽裏顏衰正艾時不知衣帶緩誰度瘦腰支

雜韻

歌聲欲絕雲誰能不愜意今日歡樂場明日空寂地
擊鼓復椎鑼村村恣所適老儒守饑餒酒肉惟飯覘
蕉鹿辨誰真漆園寄舞蝶何事韓昭侯夢言慮妻妾
埋硯愛陸焚送窮笑韓腐誰將杜康酒去澆劉伶土

爲問皮相者往往陷舊轍仲尼貌陽虎誰能辯優劣
譎語類忠言是非辯讒諂空中懸一劍塗蜜令人餓

效讀曲歌

薰風吹不已綠坡蕪靡靡貪攀連理枝羅裳撲濕水
郎住桃花源儂住郎下里年年花片來目送春流水

擬古

賀客填門至踵還弔者陪日月遞寒暑歲時景物催譬彼
錦一端組織抽絲來山鬼驅狂風海怪掣電雷荒塚照燐
焰春雲濕紙灰漂蕩渾閒事經濟空雄才我無赫赫至空

有戚戚哀

市道嗤信陵執轡傾人耳文學繼昌黎何能挽靡靡彼時
有呂鑿樸茂蒙褒美世情日險阻傷哉趨譎詭長懷古聖
人朝聞夕可死末俗工語言每每拾青紫

謁麻沙鎮張橫渠先生祠

我來麻沙鎮苦雨越山砮懸崖斷千尺泥滑將衣裾大道
巍祠宇詢聞古先儒昔年在咸祐後裔入閩初殘碑今尙
在宸翰錫橫渠遺像嚴凜凜四子列徐徐下拜薦蘋藻細
讀西銘書文公爲之贊仲淹品其瓊晚時避佛老早歲悅

孫吳撤坐遜二程旁搜攻異途千古發長嘆殞歛藉門徒

讀劉氏柳溪子儒林世家傳復觀畫馬圖并作長歌

以贈

麻沙鎮上劉氏裔一門五忠誰可繼紹興之間和議成致
中上策權臣蔽罷歸講學授生徒杜門不出惟粗糲誰將
僞禁噬名儒滄洲西山咸墮計被黜胼胝皆流血至今千
古尙滂涕挽流東歸有文簡道源白鹿規復麗當時特見
一崇之熹罷經筵留剡切自是平賊後被污冤非宣撫今
誰泄只今文采之子孫經術猶能相抵論至使柳溪有奇

癖讀書入髓驚吟魂興來疾掃渥洼種託人生死筋骨存
英雄寄意推好手奪我韉材呼小友君不見丹漆禮器執
夢中文心雕龍光裕後又不見聞雞起舞枕戈矛千古壯
心今不朽別來吳鹽點鬢班重逢遮莫驚老醜

懷故山

家住翠華麓之下蛟湖叫斷杜鵑夜江南縱好春風移何
似歸林自休暇磽田得粒薄甘腴幼兒捋髻多歡娛茲遊
俛俛睽城郭翻令汎濫工瑟竽茅茨已熟黃梁夢羅綺成
塵泥金鳳徘徊岐路屢吁嗟空教髀老據鞍痛歷徂南山

朝菌生險窺朱棧玉繩橫月色飛沉憐戢翼幾年笑負拔

山名

悼建陽邑侯左崧甫

廉吏維國楨子產人中英長跪膝下兒堅白述平生維時
月建辰我來心憂京下拜中腸結企像秀骨成柩懸館城
西官爵題銘旌威靈怕若在貞信重文明初飲龍溪水老
踰潭陽城課經追闔奧爲政秉持衡造物一朝盡風撼大
樹傾人生傷咄暗草木悲枯榮秋昊空展轉奄忽護喪行
精魂翔故山慈惠後世名

水西曲

城西曲曲水瀟瀟盪入城中桂蘭漿綠陰隱隱入垂楊路
逢絕處豁然朗瀾瀾湖澗影下遲鴛鴦睡去驚雙飛紫菱
菱葉深莫測水關雉堞高參差油油禾黍耕宮殿王氣已
消寶光見游女至今結綵航腥紅上下光如電虹霓長跨
武定橋岸邊游俠氣雄豪飛身走馬疑天路青樓酒肆呼
香醪相望水閣誇丹漆簾捲涼生風入室小姑少婦倚雕
欄搔頭影落玉光寒舟子曉曉說土風家無擔石有狡童
不知歲歉與年稔只愁花市不交通

公子行

石頭城外柳曾記興亡否春到自青青往來雲不厚金鑿
公子略豪華千金買笑不爲奢畫閣彼姝目爭識手持金
彈過倡家相親相愛忽相憐聯轡追從二月天賣弄柔情
人不覺插花斜插烏帽邊東城看遍西城畔市上胭脂費
幾貫鳳章履下凌波小鴛鴦絲綰雲光粲此時春氣薰簾
櫳夢魂夜夜內橋東自是蘭芳無日暮高燒銀燭化雙龍
躍靈景速那得知無邊歡愛有竭時一朝倏忽秋飈起出
門異轍還相悲青娥杳杳覽鏡霜公子悠悠乘馬黃獨憐

明月秋空澹柳葉衰堤風亂狂

讀雷翠庭銀臺九籟歌奉和寄呈

噫吁戲古有閩海之危巔其下九籟兮險如黃河水決崑
崙之東川一籟長鯨勢莫比磨牙吞舟噴沫涎馬籟浪激
雪山直走三門下針穿隙竅擊深淵篙師逆折劍鋒敵巴
子成之字鉤連高岑寸碧黏天上跌踢還疑坐鐵船
獼猴深藏影山魈魍魅不敢前大長波衝恍然紫貝燃犀
角纜解黃龍騰蹕飛行箭沛舟瞬息五霸天地皆昏黑六
籟雷鼓瘦蛟爭聲聞悽愴格鬪死石迸秋雨破天驚宛轉

射潮三千弩勇當三萬七千五百之洗兵頃刻鴻門峽外
峰磨天小長籬過憶詩仙想君鳳池清夢裏讀君歎乃猶
唱滄浪前履險心夷神已恬報君香籬安籬意豁然君有
歎乃十餘里履險心如夷之句

謝疊山祠故址 在朝天橋頭

謝枋得字君直號疊山弋陽人德祐中除江東制
置使知信州呂師夔叛降元引兵攻信州枋得遣
兵禦之兵敗不支乃變姓名入建寧唐石轉茶坂
日麻衣躡屩東向而哭不識者疑其被病已而賣

卜建陽市中來卜者委以錢不受惟取米屨而已
其後人稍識之多延至其家講學宋亡奉母居閩
中元使人聘之枋得作書致時宰謂其爲宋室通
臣只欠一死後強逼至燕不食死

三賢堂在莒口前村宋儒翁道淵建與熊禾謝
枋得講道之所至今名其村曰三賢堂

維公秉大節靈祠猶有址賣卜隱驛橋剛性直如矢麻衣
躡雙屨東向哭不已自是類佯狂清心爲有泚泚水尙長
流嗚咽石齒齒馨香薦一方千載三賢里過化滋猶深豈

必在提耳自命宋逋臣肯陷塗泥滓一木良難支終甘惟
餓死

雙松堂楊星叟孝廉佩劍圖

天下幾人能好奇子雲平生性所之丈夫任俠須行樂得
意賢豪今數誰回思吾君三十載拔劍砍地醉漏卮我坐
雙松君子堂軒開刻竹牡丹房遣使洛陽馳異種買得玉
版朱砂芳歐碧淺碧較優劣其餘天巧變新粧一枝價值
中人產城南座客驚折簡當時絕品各留題壁上瑯玕猶
在眼吾茲老矣鬢成絲只今重過春風吹邇來見君在圖

畫自是當年雋不疑佩劍進退必以禮面君猶記種花時

贈楊玉坡侍御

如君卓犖眞我曹千金一擲輕鴻毛相逢那肯說身老封
侯睥睨時人豪烹羊宰牛何足樂紅螺有舉都醅醕平生
樗散得眞趣苦熱頗憚爲煩勞閒選名姬種花圃十眉頻
鬪管絃高石路嵌空倚山翠柳絲蘸水抱城濠低頭我自
拜東野著書君願垂師臯斷煙殘洛江南客楚水吳江八
月濤翹首銀河疑咫尺待看新月勾桐梢

答古延王潛夫司馬索畫虎歌

墻東老人新詩出骨節強如謝混驅邁疾武接乃翁之繡
衣一膺民社如冬日昔年鵝片雪填門手持五字長城律
貽我讀之醒欲狂如拱白璧千萬鎰韶光轉燭三十年牽
衣仍憐晉樹前相逢不道關山苦大逞雄心欲畫虎人生
會合如浮雲豈必流涕鹿豕聚囑圖蔚炳光粲然眞樣無
妨出烏府知君寫此說虎軒資談博古增快觀况兼虎變
躍海陵瑯琊國士曳龜組君不見虎尾之履載易書又不
見鐘傳醉時將其鬚乃知惟士尙謀智戒兒切勿暴虎同

區區

過邗上東園悼太原賀吳村

東園柳東園柳拂盡春雲變蒼狗我來但見跪垂條當年
風韻傷吾友維眚細數海內交獨此賀君年最久倏忽他
鄉送我歸我歌烏烏君擊缶拔劍砍地歌莫哀多君奇氣
薄牛斗別後悠悠那得知駭聞弄石狂欲走石上竭盡雕
龍心令我見之神抖搜鬼工鏤出草木細如髮床頭蟻鬪
如聞吼山鬼叫嘯神爲愁仙佛摩娑瑩在手精靈未滅吐
光怪細大龍蝦無不有古刹葺成翻落葉馬蹄繫處豪呼
酒松徑幽棲分鶴夢雲房深鎖張魚笱題詩一任繞迴廊

鑄入杏軒長不朽只今人擬是平原自昔雍門調懊惱依
依滄海變桑田朝爲陸兮暮爲潦秋眉青髮幻無遺壽匪
金石固難保傷君暗咄令人悲悔我交歡苦不早臨風玉
樹埋黃土一朝晞露泣遠道千秋萬歲永無期柳枝摧盡
惟芳草

乾隆元年除夕前下榻于虔州張明府露溪署齋尊
人出其先君畫馬卷子索題跋其後

乾隆元年閩海客臘盡氣暖望崆峒得招郎署忘歸去令
我坐浴春風中堂上椿幹挺霜雪六十孫弘屬乃翁手中

一卷摩娑出蜀錦寶裝玉玲瓏自言先人畫馬之草稿遺
澤得之萬卷叢子華好手那可再凝神此軸意無窮一筆
二筆自瀟洒墨痕不到氣穹窿冷然瘦骨隄飛鐵秋高匹
練聲鳴銅中有一驥損前足託人生死汗勞功其餘齧草
飲澗各自適影如飛電形藏空安得筆力有如此千秋想
見儒者風只合子孫爲廉吏會携琴鶴隨青驄

大小姑山歌

大姑曉起望彭湖金光萬疊跳日烏九疑懸邈扶桑出浪
駭潮迴倒海隅須臾入夜魚龍隱小姑足底明月珠漁舟

擊榔中流去、蒼茫煙水看、有無昔別彭郎春、已半參差蘅
荇江籬紆、曾聞戰鬪波千傾、頓弄兵小醜俄淪胥、龍驤義旗
照水府、伏虎功成掠野狐、人生寒暑鑠肌骨、歲月磨礪幾
丈夫

感懷

此生足可惜、此志何能償、念昔韶齡日、記誦不能忘、自命
昂藏意、何用而不臧、那知歲無幾、焦勞不可量、天地降以
災、厄我靈樁傷、母也守殘疴、午夜歷冰霜、我年一十四、兩
妹相繼殤、幼弟在襁褓、失乳兼絕糧、是時薪若桂、盜賊起

年荒天地晨昏黑、日蝕晝無光、蝦蟆古老語、玉川涕泗滂、
須臾侶萬古、誰寘我周行、

平山堂看牡丹

平山三月春將半、蟻織游人看鼠姑、芳塵遙憶京華遠、風
景無如慶曆殊、畫舫載得稀簽酒、蜀道尋來連理榆、醉眼
紅粧開頃刻、檀心玉兔妬須臾、緬邈歐陽評第一、難教敏
叔復全圖、花開那得年年似、身老無常事事如、好懷幾見
佳時節、寂寞蹉跎歲月餘、君不見金高難買花前醉、醉殺
狂夫得似無、

康山

康山亘千古我輩復經過江南渺雲樹淮甸逝奔波嵐煙
浮遠近山川自逶迤搖搖思孤遊浩歌發清秋傷彼昔賢
跡詢知多宏猷芳草觸去思讌樂想風流日月遠行客徒
愧越鄉憂

擬古

窮天夜臺月起視螻蛄悲風威何慘慄游子終歲羈孤羹
掩鼻破空床旅夢遲鄉書歸數紙寄耕燒東菑小兒未諳
事磽田任儻犂舊社有父老故國出門時防我讀書苦呀

我客游疲振策瞻吳越吁嗟前致辭傾側中道艱萬變不可知
舊軌見蓬心飛薄長忍饑

其二

名利苦繫拘何能巧趨躋每窺賢達士磨礪自不傷霜雪
冬貿貿覲此齊麥光運行待節候鳴鳩逼青陽

其三

夜半秋雨來一燈猶煜煜策策鳴悲風愁腸如轅輻頽頽
憐平生親戚多毀譴卒卒出里門故書已悔讀羞彈貢氏
冠歸蹴阮生哭

其四

海鵬將欲怒，井蛙難與語。所見皆異同，總緣判所處。牛毛與鱗角，多少何須較。鶴翻與兔蹄，高下那可學。生也得其地，肩隨咸肆志。苟不推腹心，床下匿亦棄。終當俟以命，於焉徒究意。且以樂吾真，悠哉沂水詠。

僑寓平山麓下李氏園

崑岡麓下棠梨雨，花落花開笑今古。假館蕭然晏僕夫，誰識阮生岐路苦。保障湖頭滯不歸，曉烟處處啼杜宇。甘泉城外景凄清，不逐繁華吊黃土。白骨如坵塚若鱗，那得幽

魂都有主、蒼狐亂竄、東又西、青燐夜冷散還聚、我持麥飯
拜荒秦、壘頭錯謬惟牧豎、一杯酌地綠羅春、日送行雲過
淮浦、

烏石山

烏石天風吹我笠、九仙對峙爲我揖、松杉如髮翠毳毳、石
勢棧巖猱猱立、自是秦鞭到海濱、昔聞天寶改閩岌、臺上
蒼藤掛古今、井邊斷纜誰提汲、幾年浪跡滯秦淮、故國懷
歸望、井邑壯心秋老自蕭森、萬里潮來一呼吸、躡空直覩
龍鼉宮、探珠還擬鮫人泣、我欲誅茅葺茨居、直將耕鑿看

日入

邗江楊玉坡侍御臺陽苦次歌

鐵冠御史繩曲直從古擊姦誰盡職
年少楊郎鄙章句今見昂藏使異域
檠戟臺前鷺車明排闥天衢驪馬疾
細誦蓼莪切孝思遠念彤弓樹明德
去年此日萬安橋皇華駱馬風蕭蕭
行吟舊雨傳郵使涉江舟子聲招招
紙裘賤子方擁雪海門望斷旅魂銷
遙想虹霓駕雲島旋看鳥旛拂春潮
虎符履危不避凶錦囊句響如洪鐘
匹馬五花超渤海長虹一道鎖蛟龍
動搖山嶽雕齒服將軍不用夜鳴弓

琉球日本咸入貢土風記上蓬萊宮緬彼天平峰前語夙
夜無忘在公署侍御之臺時太夫人送別浙水義方垂訓何敢違乘飈條
忽青鸞馭摧裂肝腸不忍生回頭手線叮嚀處許身稷契
寧憚勞白雲深處增哀慕

寓文園爲竹樓王子作照用杜陵叟隨意坐莓苔句

兼附以詩

與君相遇總頭白昂藏九尺吾較衰經年孤館作羈客貧
賤落拓蹈海涯湖頭草色憐春夢岸上閒花戀故枝潑墨
時滋蘭蕙畹蹋壁臥吟冰雪詩憐我老醜見肝膽貽我好

句沁心脾嘆我兀傲古無匹笑我冷暖世莫知我羨汪郎
與君共徘徊山公醉蹋習池來四時景物常不斷芙蓉泣
露黃花開清風明月不用買主人池上潑春醅興極明朝
復開宴大醉舞劍歌莫哀此時大料索寫照昌黎東野無
嫌猜君爲龍兮我爲雲與君上下何快哉自覺別圖費粧
點不如隨意坐莓苔詼諧自命工部意風流不亞謫仙才
只今被褐仍懷玉相對茫茫志已灰留此形樵俟他日有
興還來尋驛梅

耿司馬趙千重修書屋樂成賦贈

聞君高祖始有廬卜隣用里賢人居巷有居人詢美都載
將彝鼎數車書一經清白世所系只今子孫盈里閭蟬聯
冠蓋盡鳴珂新修別業安樂窩我來邗上三十載四時風
景亦頻過昔謁乃翁我年少今看令子鬢雙皤謂我形容
已枯槁異鄉短褐憐蹉跎勸我歸家省醉眠紛紛世事俗
眼多花前酌酒君莫辭送君歸去我更歌月氏花好戎葵
下暖風吹落紫籐花門環綠水春歸去芳草池邊聽官蛙
濃陰堂開勝綠墅友朋簪盃喧騶驂岸躍神物鯉魚肥松
竹蕭蕭白露稀高臺石壁剝艷雪老梅臥月照書幃漁經

獵史評千古與君終日神俱飛愛君令嗣五代之曾孫出
語驚人盡珠璣高軒時過爭誇客雛鳳光於老鳳輝當今
聖代選才俊駟馬輪奐縈緋衣

留別文園主人汪璞庄兼呈諸子王竹樓劉瀟湘仲

松嵐高雨船

漱六閣高水滿渠蓮翻白羽薰風徐主人盍簪碧筒飲何
異蘭亭修禊初著述滿庭無俗客漁獵千古羅群書柴門
近海滄江破碣石維山夜月虛念竹長廊穿介介養花深
塢鑿如如牡丹臺畔時偃息紫籐架下風蕭疎相對每逢

風雨夜携衾抱枕卽吾廬
花前酒後六時娛
秋去冬來三月餘
詩戰戈鋌誰與敵
竹樓老鶴聲昂激
漱石豪雄張吾軍
瀟湘騏驎奔霹靂
松嵐白鳳吐高岡
雨船清光掣虹霓
獨我折戟老無能
主人九萬怒鵬擊
一朝齊唱騷駒歌
高燒銀燭光重剔
虎兇蛟龍護錦文
陽生長至調玉律
只今臙臘留別君
試看春來詔三錫

潭陽邑侯許鑑塘種竹歌

潭陽邑侯厭食肉
種竹療饑豈祇俗
衙齋青挹妙高峰
移翠當軒趁雨足
朝來吏退一事無
手持畚插呼童僕
分來

个个影窸樞夜起風聲敲碎玉逕迷山石轉犖确牆角櫻
欄如輪輻春深蓑笠沒髀泥瘦瓢野人笑相蹴打門快語
殊已瘳空翠翻雲蕩心目主人自比張鷹家遙隔淮南舊
淇澳十載宦遊更不歸秋來見月懷松菊蒲鞭不用草滿
庭掀髯大笑時空獄

答宗弟漱石

去年香生桂樹下平山吟徹中秋夜今年芙蓉開海濱好
句何人稱小謝吾家漱石眞詩伯能令江西退三舍洗鉢
池邊水繪圖滔滔直似建瓴瀉細讀文園六子詩能使老

人如啖蔗林塘日夕不釋手千秋之下知不朽倏忽雙鯉
昨夜來勸吾歸去憐吾厚歷遍繁華常苦饑况復流離十
八口追隨湫六寓齋中相對嗚嗚歌擊缶壯懷拔劍斫地
酣激灑醪醢杯在手人生坎坷且莫悲浮雲滿眼多蒼狗
試看古來賢達士裋褐不完常見肘君今歸去何咨嗟策
杖南山仰白首一聆茲言疑已剖

陳洪授仗生傳經圖

畫佛曾聞有道求畫儒近代數章侯經營慘淡精靈出一
圖想見千古愁天地爲痛鬼夜哭祖龍坑儒成山邱獨有

濟南秦博士龐眉鬢齒氣吞牛胸藏尙書無遺漏幼女口
授如絲抽無訛能與孔璧合至使配享功乃酬興亡自古
關文運天教此卷長久留

行路難

寒儒藜藿甘如飴豪家梁肉賤侶泥世事紛紛空在眼才
高誰與相匡持金分管鮑久不作維有蘇君與張儀金幣
車馬悉完具使人陰奉遠相隨及後入秦執秦柄只今猶
令人永思我今髮白齒牙落股肱竭盡胡所爲殺人不過
丁都護好客無如田文兒我欲推倒南山化爲肉傾盡東

海灌漏卮大舖天下謝寒土千載之下聲名馳金籠頭辭
眞宰相屢屢歌怨五羊皮不如痛飲且爲樂莫待酒闌花
落行路風淒淒

倚琴墨美人圖

江南江北春水滿江上客廬春雨澣可憐柔綠與嫣紅多
少東風吹不斷此時買酒問梨花醉中撫景來天涯愁懷
美人目渺渺蘸墨濡毫染舜華唇紅巧笑想瓠齒額黃淺
淡憶癩髓捲簾斜抱縷金裙入戶難抬刺繡履手製齊紉
名合歡欲題未題如聞歎腰支緩帶止一尺頭上犀玉空

辟寒、龍綃、光薄、露紅、玉鳳、髻倭、嬾耀、金屋、幾回、舞罷、嬌不
勝、幾度、曲終、絃柱、促、心煩、語默、良難、知、綠綺、不彈、空置之、
世不知、音空、日暮、簪綏、妥影、歛雙、眉君不見、當年、婕妤、好韻、
團扇、曾辭、同輦、帝、聞善、重之、不以、色事、君、肯將、鉛粉、塗其
面、

送門士劉非池歸汀水

負笈來山城、戒車還汀水、汀水清、人心濯、纓纓有泚、灌漑
課家僮、桑麻根本始、蔓草勤、剪除、詩書流、觀美無爲、獨學
陋下問、須不恥、閉戶求冥契、陳言糠粃耳、余時尙少、小篤

嗜古人髓綴輯有妙文偏陂何能爾有如筵撞鐘難鳴厥
音旨豈知歲月遷身老徒堪鄙動輒履禍梯時時招詈詈

麻沙道中示門士吳馨歸里

端坐大儒里、蹉跎去日非、齒髮驚衰暮、秋風汝獨歸、鷓鴣
鳴野外、鴻雁戒霜飛、冒雨行無蓋、禦冬寒無衣、志士甘固
窮、遊子長苦饑、荒塗橫棘茨、鄉山憶蕨薇、須臾岐路異、執
手但依依、衾影夜無愧、相勗語莫違、泥濘防險阻、計日到
荆扉、

梅花嶺 弔史可法葬衣冠處

昔爲偕樂園今爲蕪城墩蒼茫分淮甸平野覃燒痕白鳥
顧將夕梅萼靜無言譙樓悲曉角古塚號夜猿請奠上世
人欲薦澗溪蓀

宿古山

仰皆陟崇岡掘衣步上方海氣蒸霞色蘭葉冷秋霜石瀨
結殘雪草露攬羣芳高樹恣游息危磴生傍徨禮茲聖賢
像垂手上慈航毒龍誰可制醉裏叅法王

重遊霹靂巖

攬衣頂摩天豁日決雲影仙人丹竈空重來白露冷峭壁

蕩風雷琅玕生玉井，泉水照古心。不用汲脩綆，寰宇福地多。
愛此絕人境，碾碾勢欲崩。天外驂螭騁。

弔古疾民

劉宜字崇義，麻沙大儒里人。終身未娶，一經自守。嗟哉古疾民，生長大儒里。詩書鑠肌骨，道義矜廉恥。壯慕楚邱生，老傷牧犢子。終歲守窮廬，飯糗甘飲水。富貴訾蒼狗，功名笑敝屣。死去長懷仁，生前性如矢。行人指道碑，來往嗟未已。我來禮孤墳，白草荒披靡。寒林棲暮鴉，殘霞不成綺。軒輶探高風，芳名歸青史。欲薦淚沾巾，窮冬絕菌芷。

田家

農家賴稼穡，俶載向南畝。耕讀道在茲，古來賢哲守。春及播百穀，高隴一翹首。婦子饒伊黍，叟叟稻持久。我徒執詩書，一家尙八口。兀兀以窮年，西馳復南走。豐年兒啼饑，道在形吾醜。悔不事躬耕，歸家怨誰咎。

其二

鷄鳴攬衣起，匪是蒼蠅聲。東郊露未乾，荷鋤事經營。眈眈久未脩，夜雨增水痕。呼隣驅其兒，竭力須合并。不見新振羽，速速疇春鷗。

述懷

天爲蓋兮地爲車
曉光麗碧捧金烏
天中節序惟建午
丁在卯兮誕降初
人時是日古所忌
隣翁走賀光里閭
我祖咨嗟聲不絕
爭謂田文豪有餘
四齡分梨亦知讓
七歲畫灰亦知書
庭前覓棗健如犢
十五學劍輕匹夫
百氏貪多空涉獵
前脩炳炳輕步趨
嗟哉父死洞庭野
我母鞠育如掌珠
笑彼封侯不足貴
肉食何曾識遠圖
自命生也頗挺出
鴻羽楨幹不足譽
倏忽四十已五十八
尺侯羸空健軀
寒暑相侵氣苦易
風塵碌碌多居諸
茫茫驅馬出門去

陵環轍遍三吳相逢奇偉盡氣義卜居直至秦淮隅拔鯨
之牙不我傷捋虎之鬚不我虞只今老矣丹青筆曾繪仙
娥近御爐可憐盛世成肥遯孫弘六十之遇長歎歎

吳勵齋刑曹員外郎出示小照兼題山水册子歌

廿二爲郎世所稀長安春色上新衣紫絲絡頭金驪鬃御
柳宸風拂曉暉棣萼入朝繩祖武梁公竚望白雲歸溪行
水荇參差見載酒青山數問奇錦春園內讀書客一時紙
貴傳帝畿好水好山都入册詩成畫筆界烏絲絕巘本得
仲圭法小點無心合大痴氣吐長虹千碧落墨花千澗無

專師令我見之每束手風流儒雅照鬚眉標題樂府皆古
意笑人辛苦學妃豨

寄懷沙陽余肅齋


我家門前水流向沙陽路年年春漲鳳翔橋何事與君隔
朝暮杜宇驚聞處處啼望春春去空山雨窳石枕流江上
村蓮花峰底憶石乳臨分猶惜不盡歡高燒絳蠟爲花護
檀槽一曲徹城西只今芳草耿猶誤遵岐返照在游龍褰
裳涉溱猿擁樹花時容易樂且孺卒卒秋風車馬度粵中
鬱鬱難具陳誰貴當年清思賦粹溫我自愛玄暉態醜無

如到管輅皮褐不全老易悲只今歸去無酒具

題吳不李觀察重脩靜慧禪院


昔在世祖章皇帝特賜招提御墨光四代疊耀題銀額山
川幽邃輝天章金碧琳宮爛殿角豈期年久法臺荒空餘
烏鼠侵墻穴至使棟宇生淒涼我來雍正二年間曾聞靜
慧古山房只今驅馳三十載老矣扶鳩叅梵王逢人驚說
吳居士前身結願伽藍裝但見花雨法輪轉重新蘭若肅
迴廊蒲牢吼動遊香國珠火光圓選佛場禪房花木幽照
眼琉璃夜徹燈輝煌魚鼓沉沉來曉郭磬聲隱隱過橫塘

直使恩波搖碧漢
高懸塔影日光芒



蛟湖詩鈔

卷一



瘦瓢山人蛟湖詩鈔卷二

五言律

閩寧化黃慎恭壽氏著

山居

好風生水面、荒徑折溪灣、野鳥碧空下、高槐夕照閒、遣僮趁墟落、買酒到山間、醉臥一庭月、柴門夜不關、

遊梅川飛泉巖

泉飛開絕壁、珠落散晴沙、鑿石種桃樹、穿雲摘芥茶、龍歸山挾雨、鹿出徑啣花、十二峰羅列、仙人第一家、

金陵懷古

醉來無善狀衝口便高歌天地因秋老江湖作客多野棠
思玉輦青鎖臥銅駝千古茫茫事都歸一釣簑

途中作

松門開石鏡曾照幾人過山愛芙蓉面駒憐白玉珂一肩
擔雨雪半世老風波何日能歸去結茅衣薜蘿

謁南豐曾子固先生廟

得拜先生廟空堂山四圍文章追大雅禮樂見當時黃葉
隨風下寒雲帶郭飛滿江煙雨色獨載一船歸

冒雪買舟歸里

建春門外望又喚木蘭船擔帶城中雪帆寒江上煙恥爲
彈鋏客安得買山錢可嘆東流水茫茫似去年

除夕

歸家歲已暮梅放隔年春女漸知言笑妻原甘食貧盤分
新菜甲鏡對舊儒巾却怪昌黎腐窮文送此辰

廣陵書懷

廣陵城下水垂老尙栖遲銀杏曹王廟春風繡女祠日斜
紅半郭草長綠平池歲歲黃金壩種田羞爾爲

題謝煥章南郊故園

荒園人不到春老棘成叢
三徑空生綠一花開更紅
山珠牽晚霽野鳥逐高風
滿日幽棲意題詩寄謝公

過綏安丁布衣舊宅

宅是人何處秋山賸夕陽
竹根穿冷竈松鼠墜空梁
寂寞傷今日流離老異鄉
但餘文字在點點淚成行

贈梅川曾子羽明經值園卽事

梅花三十樹數畝草堂分
竟日無來客關門理舊文
罄瓶防夜凍漉酒待朝醺
堤上閒叉手風生水面紋

與官亮工飲張顛望可在堂卽席贈劉鰲石

傷彼流離子歸杭萬里身
論交原舊友對酒似嘉賓
憔悴橫雙眼文章老八閩
看君多慷慨失路莫悲辛

喜李子和子美伯仲自楚歸里

同是天涯客相思隔楚天
梨花寒食雨秋水木蘭船
廊廟今新策江湖異去年
到家春釀熟一見一留連

呈聖翔伯祖

吾宗有隱者自是老人星
笑指滄桑變長歌天地青
科頭踏冰雪白手剝參苓
甲子腹中有徵文重典型

弔艾東鄉先生

一代文章伯城危死國恩乾坤留碧血日月駐幽魂劍水
風猶怒蓮峰淚尙存只今聞野老相與話中原

送韓墨庄歸京江

裘馬邗溝上憐君已倦遊三春京國夢七月海門秋文字
空芻狗琴樽狎水鷗前期未可卜更擬共滄洲

春日喜曾蘊生舅氏見過

竹籜古冠裳尋春到草堂凌霄繫落日佛耳護危墻老去
情懷熱靜中滋味長自憐風景易莫學外家狂

重遊邗上寄懷馬榮祖明府

聞君花縣去，悵望茂陵園。
鳳尾城頭草，羊蹄澗底根。
交遊君獨遠，憂患我偏存。
寄語十年客，婆然兩鬢髡。

寓維揚李氏園林

草堂飛萬竹，苔蘚上平欄。
曉月鴉聲落，秋香蝶夢殘。
酒連今日病，衾破舊時寒。
歸計鄱陽水，相思十八灘。

皖江阻雪

日出皖江天，兒童戲岸邊。
敲冰擎作磬，攢雪塑飛仙。
詩酒消寒色，鬚眉憶少年。
明朝風便不借問秣陵船。

冒雨買舟過黎景山宅

柴門春水漲寒雨過江來酒對故人飲花憐昨夜開
朗吟天竺寺醉上鬱孤臺每憶舊遊處相思夢幾回

送鄭耕巖歸瓜州草堂

金焦只兩點門對面南徐客至發梁笥人歸讀漢書
暝鐘江寺遠細雨豆花初曾過鄭公里因之憶敝廬

留別秣陵白長庚

美髯江左客幕府擅風流竹葉三分月春風十四樓
我歸盤谷老君訂武夷遊揮手淮陰道依依上小舟

寄豫章李漢生

聞君有茅屋籬外蓼花洲
風雨幾年客江山無限秋
畫債新酒債詩戰古窮愁
輒憶滕王閣何當爛熳遊

貢川道上送叔又白入建寧

握手渾如夢客中復送行
風梅橋上落霜棘路傍生
每憶爲童子相呼尙小名
可堪俱老大無處請長纓

與宗弟啓三寓留雲亭

時時臨水閣看蝶過墻
東詩愛千回讀花能幾日
紅寒潮生夜雨老木得春風
檢帙閒驅蠹鐘聲落碧空

送趙飲谷北上

勾吳有才子，衰鬢走長安。
地自南來暖，天從北去寒。
關河乍相見，風雨別尤難。
我亦羈棲者，空教借羽翰。

送汪松蘿歸湖上

扁舟湖上曙，楊柳六橋春。
芳草隨天碧，閒花到岸新。
酒尋名士飲，禮愛野人真。
我尙江都客，君歸拂遠塵。

江東與巫紹三夜話

牛首當春立，雞籠返照遲。
松根縫石罅，花片織蛛絲。
吳楚分江色，秦淮唱竹枝。
青燈餘舊夢，重話秣陵時。

過南安買舟止宿梅花山

高蓋梅花頂行行且息肩
悔爲牛馬走負却故山
緣殘月
棲煙斷寒香
偎雪眠
狂呼茅店酒
不問僱船錢

接李子明書

君作無羈客
余歸臥舊林
一函今夜月
千里故人心
語氣
風霜入情懷
湘水深何時
臨草閣
樽酒坐花吟

與上人夜話

蠟淚廣陵客
招提久逗留
高僧一榻話
寒雨四更秋
天地
樽中老文章
身後謀聽鐘
頻自省
夢斷白雲浮

與門士李喬舟泊湖口

頗得江山趣扁舟是客廬
浪遊忘歲晚相伴忽年餘
朝盥鄱陽水暮烹湖口魚
舉杯遲月上光照半船書

古田

鳴玉灘頭水古田夢裏山
雨傷蠶月冷惜春馬蹄閒
詩酒能鎔性煙霞可駐顏
年年羞燕子白髮不知還

美成草堂

春泥香屐齒繞屋印梅花
饑鶴啄晴雪輕鵲撥軟莎
野僧供佛手隣叟饋椿芽
夜息無餘事忘機獨聽蛙

贈綏安逸民余豹文

出塞歸江渚結茅自荷鋤棹歌聲欸欸山月意徐徐圃竹
鐫詩密籬雲補菊踈只今年七十承露寫奇書

秣陵除夕燕雷聲之漢湄伯仲愛蓮亭

屠蘇今日酒俱在異方論紅燭燒殘臘春風到白門各憐
兒女小幾箇舊交存不盡鄉關思情親爾弟昆

坐雷聲之秣陵愛蓮亭

溪石甃蓮沼堤楊蓋水亭坐深忘大暑意適理殘形雨脚
懸江白蟬聲接樹青主人蔬一箸辛苦出園丁

登小姑山

舟如九節杖拄到小姑山閣接江東雨雲歸湖口關捫蘿
忘境險縱目覺身閒信有寒潮約千秋鑑我顏

送沫水魏石奇入粵之官

爲問芋原驛故交病却踈相思秋夜雨未答隔年書薄俸
猶捐鶴多情尙借驢行吟殘夢斷懷古意躊躇

溪行

獨有清溪上環看面面山野巖迴浦曲秋卉向人閒洞口
朝歸去松門夜不關會心多勝事流水響潺潺

老僧楚雲

一衲破青天寒暄曝背眠黃蘗知道味白髮落生前籐杖
三乘立芒鞋五嶽穿平陵一坏土幾見劫灰遷

小集刻竹齋

綺麗愛新詩狂呼歌雪兒興來晨獨往醉問夜何其雲竇
龍牙草鳳仙鹿眼籬重逢行樂地誰似少年時

雷聲元長安歸里

君過五侯衢峨冠憶魯儒酒闌歌慷慨策上嘆馳驅月照
龍城驛雁歸彭蠡湖相逢筋力減新置短筇扶

晤巫麗夫

少年江左客空憶萬山中竹馬全兒日霜顏各老翁滿江
春水綠雙槳夕陽紅從此悠悠意閒吟五噫鴻

楊侍御獻賦賜貂錦

碧海辭珊瑚紅雲捧玉宸波隨龍艇靜花發鳳樓春珥筆
朝天舊金貂湛露新久懷補袞術長羨釣璜人

其二

乍入姑蘇境行臺識紫宸詔隨鴛鷺曉蹕駐翠華春吳越
江山秀秦淮煙月新欣逢錫難老長養太平人

汪璞庄過邦上草堂

東海知名士相逢白髮年
停舟問秋水窮巷冷厨煙
匣有千金硯囊無一酒錢
呼兒且入市焦餅度涼天

過五峰偕巫公甫遊中峰禪院

古剎萬松圍層巖淡夕暉
斷虹攔雨散曉翠帶僧歸
酒癡同嵇阮風騷替柳韋
趾離無夢入信宿白鷗依

過張吉六讀書草堂不值

高人何處去塵掃一匡床
穉子衡門候草堂
白晝長春薰翻蝶翅
花暖釀蜂房歸路空惆悵
高岡下夕陽

懷武進周魯瞻

纜解蘭陵雨離心折棹歌長江千里去一劍十年磨夾口
黃天蕩裙腰寶帶河送君回首望白髮更如何

到家

萬里經年客歸來住海隅芒鞋霜雪健茅屋雨風俱塵拂
新龍隼香添舊鴨鑪却忘軒冕貴自愛愚公愚

豫章百花洲

百花亭子上宛在水中央湖淨一天碧竹深六月涼到窓
山面面夾路石蒼蒼春過小橋畔風來不辨香

懷李子明

有客武昌去三年尙不還只今看夜月獨自向溪山秋色
荒村裏寒聲落葉間無人知所處寂寞掩松關

賓館

越王山畔月寂寞水溶溶花事幽懷懶草堂春睡濃至今
餘戰壘終古想軍容幾度登臨去還教置短筇

過西郊草堂示弟啓三

五里溪西僻峰迴一草堂門開春樹綠路圻野花黃荆棘
宜蘋剪藩籬可護疆田園仍舊業勉汝力無荒

官河

撲面梨花雨官河幾曲灣
風梳新綠柳簾捲舊青山
寂寞人歸去呢喃燕未還
離心應計日回首板橋間

吳城望湖亭

南州催曉發暮上望湖亭
水落沙紋見風回魚市腥
停橈呼買酒賽願復揚舲
遙指蒼冥處廬峰一點青

晚歸

江路生新月橋邊野客歸
晚花飄不定乳燕學斜飛
入市防踈放居山無是非
牧童牛背穩橫笛送殘暉

寓留雲亭卽事

終年還作客老病尙依人
果熟聽風拾花繁藉雨勻
客盤僧圃菜陶甕市頭春
醉裏渾忘物誰云葛氏民

喜官亮工遊長安歸

白髮歸來日索綯
理草堂依然冰雪志
少息水雲忙
棚豆分窻綠
瓶花落硯香
經營尊酒外
兼爲鶴儲糧

示門士陳汝舟

憐汝無歸處相依瀨
水邊纔看迎社鼓
又見禁炊煙掃葉
司茶竈塗鴉準酒錢
遊山携杖笠忙過一春天

陳唐草山人招陪黃敬梅育亭伯仲

追陪公子宴雙槩下梅谿薄霧橫江斷斜陽入郭低到來
重秉燭坐上再分題不盡山家趣歸鞭聽馬嘶

逢謝伯魚

人來賣菜港舟過運河堤細澗催春漲空山喚雨犁野蟲
營舊壘歸燕啄新泥笑我悁悁意頻年東復西

送宗珉叔入湖南

故園春握手古寺遇嚴冬愧我黑裘敝傷君綠鬢蓬月痕
窺半井霜氣入殘鐘一別寒山意孤踪幾萬重

歸里

苔壁草堂古城南，認故居山花分戶牖。
雲氣染衣裾，老婦剝新筍。愁僮摘短蔬，呼隣泥醉飲。
豪氣未全除。

瓜步韓墨庄招遊牛首

激灑瓜州開，蕭森建鄴天。秋風孤客思，夜雨故人前。
酒債因年減，詩狂何日痊。明朝整遊屐，天闕抱雲眠。

懷洙水魏石奇

晴日出西郭，懷君立水濱。凍開花解笑，青亂柳含顰。
養拙從吾道，相憐見汝真。明朝如有意，共醉草堂春。

感懷

從人開笑口，心苦自能知。
路走石盤蟻，春歸繭盡絲。
旅依常汎汎，失意故遲遲。
剩有江山趣，奚囊一卷詩。

邗上懷古

誰劃長江地，當年帝子家。
簫聲沉月夜，帆影落天涯。
花巷傳金帶，旗亭老木瓜。
年年看蔓草，綠遍玉鈎斜。

新淦

舟過新淦縣，寒擁晏嬰裘。
白水湫城脚，青山喚渡頭。
市荒爭菜米，沙淨掠鳧鷗。
十載江南客，歸家兩鬢秋。

坐宜庭與王友石話舊

風雨白蘋夜孤窓剪燭吟
漢江秋水冷煙月渚宮深
衣食驅吾老琴尊契子心
碑看羊叔子千載寄高岑

贈浙江沈石村

陳雷風已遠誰與締交新
入市吹簫客還山織屨人
但令身不辱自是道爲隣
獨愛閒堦草春深坐綠茵

書懷

十年歸故關茅屋老三間
烏府供茶役歌兒喚小蠻
溪山城郭迥吳楚布衣還
歷盡風波客衰容借酒顏

維揚懷古

水關毘舫接不到幾回春爲問新巢燕今非舊主人紫簫
歌白苧花幃想芳塵惟見邗溝外垂楊翠可親

過吳天池無墨齋

老去悲霜鬢頻年尙卜居相尋深巷雨坐對古人書晝永
花陰靜階深草色舒閒來訪眞隱自覺世情踈

邗上逢鄉人周景謨

玉帶河邊水蒲帆獨去斜侯門吾寄食梓里汝無家生意
白霜草離心紅蓼花相看垂老日日斷片雲遮

送別李子明之楚

別君三楚客歸計萬山中形役分牛馬行踪嘆雁鴻雲霧
古驛樹雨打白蘋風莫怪頭顱改相期種晚松

贈南園吳子琬

甌冶池邊水煙波有晦冥曠懷雙眼白磨礪一天青誰煉
金丹冷空聞石髓馨夜來羣動息獨坐草堂燈

過劉咸吉新村半築草堂

十畝清陰地漣漪水一灣菊園秋月滿樹古廣庭閒老鶴
司長夜孤雲臥故山也知城市隔客至啟松關

舟中

一笛關山月漁舟晚泊情
浪花危客枕江樹動秋聲
曉發楊舡去天低聽槳鳴
匡廬指顧下計日到吳城

留別許符元

下馬橋邊日逢君醉綠醅
龍山驚帽落牛渚渡江來
雲黯中秋月風寒九月槐
不知衰老至猶自問金臺

書懷

自憐抱璞泣肯效宋人愚
雲冷茱萸隸帆飛岱石湖
漫沾陶令酒笑將使君鬚
莫問飄零况出門饑所驅

懷巫振綱

誰憐增白髮寂寞臥蒿林
一夜淮南雨孤舟楚客心
錦鱗江尾綠翡翠岸花沉
目斷秋來鴈空懷百衲琴

失刻鶴杖

失杖想江邊相隨爲汝憐
探春沿斷岸撥草踏晴天
龍化葛坡日鶴飛邗水年
他鄉知老大歸去望空烟

法海寺與劉南廬話舊

世事久何憑吾寧謝不能綠
波堤上客黃葉寺中僧
風雨十年話河山一夜冰
幾時煙水外鄉路共車乘

初晴過雷蕙畝孝簾齋頭小飲

匝月傷春雨新晴上柳堤花鬚餘蝶夢燕嘴濕香泥潦倒
從今世商量補舊題看君狂未減把酒瀉玻璃

寄雙江梅林黎息園處士

一天秋水外隱隱棹歌來江上招歸鶴籬邊問野梅晚煙
隱蔀屋新月見蒼苔掃地葉還落閉門風自開

贈梅林黎景山

但有虔州客相逢問止亭總緣君古處一見眼偏青墨瀋
滋蘭畹花枝位酒瓶不知將白髮獨坐只漁經

海藤

誰把一烏藤衆生說上乘空堂殘夢雨遠樹下方燈竊菓
懸枝獵孤雲截海鷹晚潮清梵出島嶼露峻嶒

歲暮門士伍君輔歸閩

汝歸閩里日吾尙滯天涯飲栢村沽酒迎春雪作花旅懷
俱有淚往事那堪嗟負笈相隨久漂蓬未到家





瘦瓢山人蛟湖詩鈔卷三

七言律

閩寧化黃慎恭壽氏著

天闕

嵯峨獨立朝天闕，儀鳳門開接汝墳。
雲影不聞歸鐵鎖，水聲猶自說陶軍。
倉庚又聽社綜會，紫燕重來春已分。
却笑孫吳空割據，還期汗漫秀茅君。

從軍

雲旗乍捲龍沙開，遙望烽煙畫角哀。
十載堅冰鬚一尺，幾

聲短笛夢初回黃河水怒連天湧紫塞風威截面來從古
書生多慷慨衆中應遜仲升才

送瑞金楊季重之五羊城

送君此去五羊城看到梅花歲又更芳草趙陀臺上色鷓
鴒韓愈廟前聲味知馬甲無多美瘴避桄榔憶遠征執手
東南岐路異海天風雨獨關情

金陵懷古

淮水東歸問內橋昔年王氣望中銷鶯花鬧市連三月風
雨殘更話六朝江鎖已沉玉濬去石城無復莫愁嬌龍蟠

虎踞形依舊白浪如山到海潮

客廣陵寄懷曾太守芝田

寄言浪跡瘦瓢子渤海遙知早放衙燕子不歸三月雨玉
蘭落盡一庭花彩箋猶記題唧鳳烏帽重經試剪紗從此
別來汀水遠廣陵芳草思無涯

金陵送楊倬雲孝廉歸邗上

裘馬自憐遊已倦五湖歸去鬢絲明王維終悔爲伶役阮
藉何妨作步兵關路躑躅榆莢雨鄉心格磔鷓鴣聲相逢
一笑春風軟醉插花枝出禁城

寄懷金壇王漢階太史

昔年兩度接朱驂猶記秦淮三月三紅滿杏花嬌驛路綠
迷芳草繡江南遙知又啓山公事何日重聯太史談此際
衡門空悵望清時蘿薜衣多慚

寄畫冊與太原賀綸音司馬

一諾如君獨寡儔談霏玉屑擅風流太原歸日黃花雨江
左離心白草秋悵望魚書淮海月寄將畫冊雪鴻洲別知
勝事增多少助汝高齋作臥遊

過甘泉葛憨牛讀書處

多書尤愛鄴侯家巖石堂開看曉霞老更談諸師曼倩豪
無驕態信曹華大明寺裏香泉水陽羨山中穀雨茶自笑
浮生渾若夢春風倚遍紫藤花

送楊玉坡侍御上京

直上黃河萬里澄山公啓事慰蒼生鐵牛湖畔夜猶臥
馬堤邊曉戒行海外文壇鑿舊筆尊前酒陣出奇兵送君
飽載揚州月好照承明水樣清

盧雅雨巖使簡招併示出塞圖

東閣重開客倚欄醉中出示塞圖看玉關天迴駝峯聳沙

積秋高馬骨寒，經濟江淮新。筦風流鄒魯，舊衣冠只今。
重對揚州月，笑索梅花帶雪餐。

送新安程文石歸里

曾製荷衣招隱倫，天門歸掃石床春。竹西道上吟花雨，丁
卯橋邊側葛巾。誰識文園今已倦，應知錦里未全貧。臨岐
漫訂匡廬約，一嘯秋風我兩人。

淮安署中留別長沙白長庚

相逢得共按歌回，慷慨如公卓越才。官舍海棠新舊雨，草
橋春柳別離杯。愁憐白髮三千丈，老去丹心一寸灰。知己

許爲天下士至今何處有金臺

揚州元日

人間如蟻磨盤忙我亦紛拏夢裏狂
覷破世情爲冷眼趁逢花事作歡場
丹砂那有長生訣文字因知不死方
歸去故山麋鹿友好從春水臥雲房

江東與雷漢湄尋春憇飲江樓

蛟湖山下讀書人孫楚樓中醉脫巾
鶯眼漫窺青草路馬蹄踏破白門春
六朝風雨松楸夜上巳陰晴袂襖辰
記得年年江漢客歸心無那指汀蘋

贈綏安逸民余豹文

一從冀北走咸陽萬里還鄉野趣長池草綠歸靈運句雲
山紫控木公房豪呼酒政苛猶簡忤物情懷醒亦狂江畔
釣船今未廢不須回首少年場

答李子和子明楚中見寄

柳眼青青野蕨肥吳門煙月掩荆扉
牆過玉笋連雲插燕濕香泥帶雨歸
湘北魚書經歲斷淮南花事與心違
推窓時對鍾山坐幾度吟詩遶翠微

次韻雙江刺史黃學齋署中八月梅花

花發平津望嶺頭初疑剪綵出神州
霜容早試三分白瘦影橫撐一半秋
南國佳人憐粉署秣陵才子憶羅浮
酒闌傲舞銀缸下猶認孤山雪未收

寄居維揚美成草堂

去歲離家木落初
嚶瓢杖笠一車書
蘆簾織就春風暖
窓網窺時夜月虛
孫楚樓中常縱酒
馮驩座上漫歌魚
鈴屨骨瘦狂猶在
千里親情故舊疎

漁者

楊柳毵毵曲曲村
滄浪唱罷又黃昏
忘言自是蘆中叟
買

酒還招楚客魂盪破水雲歸釣艇飛空蘿月掛江門不知
何處勞耕鑿穩臥烟波長子孫

旅懷

丈夫何事老殊方歲歲秋風明月牀兒女別時纔解語髭
髯白盡始還鄉娥眉滿架家園豆馬齒堆盤野菜香自笑
少年江海客醉醺斷送此生狂

過金陵顛道人舊宅

傷君舊宅上河東聞說生前作客慵松老但看江鶴集門
欵常有石藤封丹爐不受風雷滅畫卷長爲天地容我獨

徘徊空翠裏，倩誰指點認遺踪。

歸里

躬耕歸去遂吾初，生事年年計總疎。
身似贅瘤憐病鶴，室同懸磬索枯魚。
平原座上慚虛左，杜甫橋邊意自如。
一抹斷煙楊柳外，好鋤明月種春蔬。

悼王仲立因檢篋見其遺稿

篋底閒翻詩格新，痛君血淚獨沾巾。
龍孫夜雨迸寒食，奴菊秋香到小春。
死去空憐磨鏡客，生前羞作鬻琴人。
高堂白髮啼冰雪，臍指心疼想負薪。

竹夫人

用舍何曾敢怨言不教雲雨暗銷魂
梅花紙帳無來夢淇水秋山想故園
受熱情懷終冷落守虛風骨尙溫存
抱衾肯比專房輩只爲纏綿轉少恩

過瑞金楊汝水石戶雲房

石戶頻鋪見彩霞古苔深處子雲家
碎金菊泛分香櫃紫玉磚臨淡墨花
野菜新抽秋雨後白鷗時放夕陽斜
主人不盡耽幽興相送池邊路未賒

書懷

銅柱消磨海盡塵
九華峰頂掛綸巾
忍將白髮同秋草
欲採芙蓉寄遠人
天闕有懷生翼夢
丹經難復少年春
詩成却笑求仙客
梁武空祠太乙神

約晚香宗弟遊名山不果

十年爲客想幽棲
幾約名山負故知
心死成灰方是學
雄飛能伏始爲奇
還將柳色憐張緒
空使桃花葬孟姬
何事春江萬餘里
秋霜贏得鬢邊絲

答楊侍御玉坡簡招入臺原韻

白首尊前夢裏疑
昨宵書到感君知
節持龍虎排山日
牙

建鯨鯢跨海時早上蠻方風土記遙傳舊雨驛筒詩廿年
曾作揚州客落拓誰憐泣路岐

其二

曾記江南二月天桃花歷落柳三眠終年行負蝸牛舍一
路春輪榆莢錢眼過繁華都逝水鬢憐霜雪寄來箋不須
往事重相問癯骨猶懷噴墨仙

呈程渭陽刑部郎兼呈鹽運使尹公

圖鴨相投寒食天桐花落盡繞墀前官厨支俸求名酒湖
岸看山買畫船野老不知行馬貴春風能識主人賢風流

自是平津輩猶訂洪崖笑拍肩

眞州買舟曉渡江東

小艇繁霜朝似雪載將詩思渡江東
雨花臺畔荒荒草忠孝亭前面面風
壯不如人何待老文難媚世敢云工胭脂
井檻無尋處惟向殘陽拜故宮

訪山家

愛君自種邱中麻漠漠輕煙物物嘉
瓦罐沽來墟市酒缺瓶隨插野溪花
暮燈星亂孤村遠新月人歸小巷斜
犬吠不驚詩客到春江自是杜陵家

歸閩寄懷廣陵王竹樓汪楚白劉湘雲族弟鞏堂漱

石

夜來鼓角悲城堞滾滾浮雲望裏看苦竹鷓鴣啼暮雨綠
楊燕子怯春寒空函報國同殷浩雙屐懷歸笑謝安覽勝
幾回豎赤幟至今江左孰登壇

姑蘇懷古

千年往事見潮痕闔闔城開夢帝閣越水絲蘿空惹恨吳
宮花草舊承恩千金枉鑄鴟夷像兩目猶懸伍相門還憶
南昌梅少府隱名應笑舌徒存

途中留別吳湘臯明府

半生作客客多年，何日歸畊改蔗田。
裘帽獨衝湖口雪，圖書又上秣陵船。
故人官罷門羅雀，賤子途窮席割氈。
猶有交情兩行淚，直隨流水到江邊。

元日阻雪孤山舟中

雪阻風回繫岸蘆，舟人驚見醉屠蘇。
江唇勢遠橫吞楚，山髻高寒望入吳。
生計總緣謀食拙，詩腸堪笑選詞枯。
北堂此日還多祝，游子霜毛在旅途。

送伍昭令之江西

一賦曾傳金石聲十年仍是魯諸生
自甘麤糲長爲爨那得黃金作解醒
荒草斷煙孺子墓寒風苦雨灌嬰城
漂零容易頭顱白三尺龍泉夜欲鳴

寄泉上李愧三

蕭騷兩鬢雪霜親歸臥青山刺眼新
痛飲何妨呼校尉長貧不解媚錢神
雲羅矮屋連宵雨花帶長堤二月春
割席每懷鋤菜甲癖情應憶洗桐人

秣陵與故鄉羅見三話舊

夢裏猶驚拍手呼同君浪跡走東吳
獲鈴紅暖憐金線佐

酒香溫薦玉酥人代茫茫荒草合雨聲淅淅小窻孤何堪
相對仍如舊春水年年綠滿湖

弔江都孝廉楊卓雲

性僻如君類結髦里門冠蓋盡同袍囊無好句嘆消索鬢
累新醅放意豪今侑炙肝蒸麥飯可堪酌酒治羊羔生前
一夕憐風雨無復憑欄紫蒂桃

由汀州曾刺史芝田餞至鷺門將渡臺不果途逢玉
坡侍御

餞出東門歌路難酒闌鐘歇海潮殘丈夫有志金臺杏壯

土空餘鐵骨寒老我儒冠催鬢短憑君簪筆重臺端相逢
車笠天涯路始信今朝古道看

答玉坡侍御殘臘道中贈句

細問邗江黃葉村春歸幾度落花魂眼中得意人俱老愁
裏何堪我獨存却惜終年嫗赤脚怪來拙守婦無禪只今
重對秋山色噉噉猶聞夜斷猿

浮山觀

報午雞聲谷口家晚來流出一溪霞道書懶閱塵封卷藥
圃新鋤草迸芽管領春風輕柳絮廉纖小雨濕桃花客來

一勺寒泉水相對無言但煮茶

憶舍弟可行之江東

田峻行行起蟄龍可知遊子愧山農
天涯兄弟艱難會江漢風波憔悴容
入夢晝閒封野蟻排衙春暖趁遊蜂
只今老去空懷思惟有年來事事慵

寄臺灣觀察楊樸園

蓬瀛客向海東潯持節皇華佩玉音
回憶廣陵紅藥賦却逢大担白衣峯
秋砧敲斷懷人夢邊月長明望闕心
半壁安危憑寄託好教番庶感恩深

病起寄平山綠安開士

蘆簾夢覺草堂東
隣院聲聲報午鐘
亭畔鼠姑擎宿雨
枝頭鳩婦喚晴風
口含石闕情難語
杯泛香醪懶治蠶
幾日春歸支病骨
平山舊社問諸公

送行一叔遊江南

三千里路嶺頭分
回首鄉心見白雲
老去功名成敝帚
擬將詩塚葬窮文
春花纔共開新釀
秋鴈空懷戀故羣
還訂阿戎歸守歲
莫教目斷悵斜曛

答楊建其書詢問吾鄉邑侯孫殿雲

記別江南逢二月慙慙酒餞臺城秋山露冷芙蓉面芳
草人歸鷓鴣聲昔日漫誇張緒柳只今競識子雲名別來
歲歲勞雙鯉爲報吾鄉官長清

道中寄懷賴品一門士巫遜玉姪乘之

自是胸中有甲兵憶君萬卷氣縱橫離亭魂斷青山暮馬
首朝來白髮生寒食雨迷桃葉渡春風樹黯潤州城銀河
金闕無來夢惆悵歸與杜宇聲

秋夜寄懷伊又行

江城歲歲冷鬢吟清况依然一布衾窓月燈殘游子夢霜

鐘夜半故人心客邊幾度鶯花老鏡裏難忘雪鬢侵不信
烟霞成痼疾可堪垂老作書淫

上巳懷劉陽谷

索酒黃公笑解鞍相逢始覺醉鄉寬九枝燈記揚州市一
捻紅看芍藥欄氣化商庚鳴曉翠雨餘燕子怯春寒只今
獨向邗溝上渠瀆悠悠入夜漫

訂謝北魚歸閩嶠

萬歲樓邊下夕陽故鄉南望海門蒼帳裁舊日藤皮紙筆
臥新春烏木床四十年前疑共析三千里外誼難忘拂衣

莫待歸來晚自合誅茅結草堂

小飲友鰲樓喜主人李子美白楚返

愛子詩來類建安小樓歸對暮烟殘
先春茶嫩山泉冽破臘梅香隴雪寒
閒闢山窓留古月勤鋤隙地蓄幽蘭
晴川遙憶鰲峰下買得新絲理釣竿

寄虔州梅林黎息園

野老江頭理釣絲花飛幾點送春詩
雨簑掛壁牧歸晚小艇維籬月影移
掃盡山房苦竹葉燒殘茶竈古松枝
紅塵隔斷無消息惟有悠悠鷗鷺知

零都峽

丙辰携家歸閩

桃根桃葉自相憐，舊事淒涼憶往年。
病酒悔教持戒晚，惜花應喜得香先。
猿隨片月栖山閣，鶴帶孤雲上峽舡。
幾度經過勞悵望，陸陵荒草變新田。

留別江寧明府吳湘臯宗弟巖瞻

采石春風聽晚潮，榻懸賓館夜蕭蕭。
一時酒暖繁花艷，明日帆飛去路遙。
綠歡嘗羅漢菜，矜紅深惜美人蕉。
可憐不盡殷勤意，難縮離心是柳條。

借居維揚楊倬雲孝廉刻竹草堂時自淮安歸有感

五王龍種去蕭蕭歸向淮陽趁早潮官柳綠遮沙口堰野
棠紅到斗門橋蹲鴟埋火饑充饌蝙蝠栖梁畫作宵回首
不堪人事異且沽村酒醉花朝

送宗弟松石歸餘杭

維揚風雨苦淒淒相送寒山路向西京口波濤郭子墓斷
橋煙月白公堤徘徊歸鶴盤雲腳踪跡孤鴻印雪泥憶汝
沙河塘上望梅花香日好分題

贈虔州王草臣

八百灘頭起白鷗十年客鬢海門秋孤舟夜雨縈鄉夢落

葉寒山紀客遊花港人歸携蟹斷草堂僮至遞詩圖知君
大笑拂衣去不羨和鯖謁五侯

歸里喜晤廖向如

白雲無意自西東歷盡繁華杯酒中稗草空肥霑宿雨稻
花何事不禁風懷人秋水一輪月寫我閒心三尺桐最是
昔年光景異一時竹馬總成翁

挽宜徵張寰齊明經

建安才子落花詩下拜曾爲一字師漫笑盧循難續命深
憐伯道竟無兒長貧尙有千金硯豪邁空殘一局棋自是

老妻能作誄更無人述蔡邕碑

江南歸過萬田袁錦秋也足齋晤劉太古厓

也足齋頭春較遲逢君掃盡十年詩別來江左懷鱗札歸
憶青溪理釣絲鸚武誰憐狂客賦錯刀那得美人貽虔南
老友今誰問屈指燈殘夜雨時

美成堂卽事

廣儲門外雪成泥歌吹誰憐舊竹西布被難溫流汁炭紙
裘聊當辟寒犀關山有路憑歸夢兒女長饑只解啼誰侶
袁安高臥穩簷牙一尺碧琉璃

答張文潛慰焚草堂并謝方竹杖

小堂一夕成灰燼子厚遙傳有賀文
腐草螢光流夜月桃花箋紙化溪雲
杖教衰至能無恙硯爲愁時早欲焚
幾點青山猶在望今宵有夢息糾紛

憶江都元夕

松棚燈影鬪嬋娟從古揚州不夜天
彩燕雙飛春幾日燭龍跳舞紀前年
家山歸後無詩草酒肆曾輸賣畫錢
還憶喧闐追勝事小東門外曲江邊

行一叔入南山讀書奉答手札

市城不到借書鈔，誰向空山作解嘲。
祇選盆魚消晝永，閒編琴譜紀年勞。
水曹烏府供茶役，馬齒龍孫佐野肴。
朱穆矯時多一論，須知慎澤訂新交。

乾隆三年秋讀亡友楊季重自鳴集

從來祇慣住林邱，野性偏宜鹿豕遊。
世味但知甘蔗尾，功名曾笑爛羊頭。
賈生鵬鳥終成讖，宋玉悲歌總入秋。
生死交情憑作誄，西崑誰不羨楊劉。

書寄門士李蒼林問訊眞州

聞道眞州泣路岐，故鄉杖履憶追隨。
鶴鸞亭古秋陰覆，煙

雨樓高海日遲舊稿曾臨周舫意微雲可得少游辭遠行
記汝雙親語自說衰年望此兒

寄黎川宗弟晚香

幾年相約躡華嵩可嘆行踪西復東渡口全鋪秋月白寺
門半掩夕陽紅獨憐久客哀王粲莫怪逢人問孔融一笛
晚煙平野闊牧童吹出稻花風

山齋落梅

晴日茅齋向水隈東風獵獵剪春梅漫傳和靖孤山韻澆
盡佳期小歲杯屐印香泥魂自惜煙籠紙帳夢初回高情

不與梅花亂祇許空林雪作堆

歸故林憶如臯汪楚白宗弟漱石

曾記江南打麥天
榆枌散盡沈郎錢
賣花聲遠過隣巷
載酒人來上畫船
鮑乳細柔當二月
蟹黃香滿別經年
只今補屋休歸晚
獨向青山一角煙

送宗兄兼三歸新安

黃山歸去住天門
三百灘頭嘯夜猿
秋月東峰微有魄
錢塘孤棹獨銷魂
高燒畫燭雙龍尾
綺靡花開銀杏園
了却功名應自足
幾番清興到黃昏

庚申二月與李子美遊朝斗巖

春風谷口聽黃鸝招隱何年話閣西
人事久知生好惡鴻飛那管隔雲泥
難分苦竹青千个細數浮花紅一谿
信宿煙蘿陪惆悵壁間剩有舊留題

江東歸過麗天弟擁城閣示阿姪乘之

閭里追隨臭味同十年兄弟隔江東
卜居曩昔懷仁里守歲還教憶阿戎
柳縮鶯梭空織翠花交燕剪費春工
舊田數畝荒蕪久新社重盟桑苧翁

聞李子和自楚返

昂藏誰識浪仙流，手握明珠肯暗投。
十載人歸滙口雨，一聲雁斷楚江秋。
行吟放浪湖千寺，泥酒重來竹裏樓。
伊昔歡場劇豪邁，只今誰按古涼州。

送查溥公入粵

煙雨樓邊問去津，椰榆也笑送行人。
書飛塞北關山月，梅破江頭粵水春。
垂老蘭陵多偃蹇，應知曲逆不長貧。
五羊城外青嵐瘴，莫遇奇花恣賞新。

過邗上劉陽谷六梅軒

臨水寒梅壓屋簷，詩成撚斷數莖髯。
僮持罐去尋村酒，客

至盤堆有石鹽薄霧夜深憐紙帳春風晝暖捲蘆簾愛君
誰得干高致鄉黨從無競小廉

懷京口韓墨庄

曾從供奉入官家歸隱由來戀歲華晴日嚶交巧婦鳥春
風開遍地丁花織成仲子擘纒履種得孫鍾餉客瓜十載
往來京口路時時聞賦玉鈎斜

登鬱孤臺寄懷揚州馬力本明府

鬱孤臺下水交流望闕碑橫今古愁過眼梁園非舊主驚
心玉笛倚高樓才懷馬總三山雨書著虞卿兩鬢秋記得

紫蘭兼茉莉納涼時節到揚州

客懷

蟋蟀聲聲吊落暉霜嚴客久嘆無衣斷煙衰柳絲千縷照
水紅蓉玉一圍江左空懷安石渚富春又上子陵磯那堪
秋雨秋風後一劃南來數雁歸

坐美成堂懷劉涓賓

揚州風景倍關心小住城隅水閣深十載才名鸚武賦一
春歸思鷓古吟岸回畫舫移花影目送歌聲入柳陰昨夜
鄉書猶未達故人望斷最高岑

社日呈陳組雲邑侯

瑟瑟社鼓報春耕
荏苒流光節序驚
莽莽染春雲團鳳餅
鱗飛活水煮鱸羹
消殘棠棣寒燈夢
都上芭蕉夜雨聲
割肉不須思曼倩
宰官今日是陳平

己酉寄懷夢草堂謝煥章伯魚有感故鄉吳天池官
亮工張顥望徂謝

二月楊花看已破
天涯倦客最相關
感時共築埋文塚
終古空留化劍灘
憶臥嶺雲遲去鳥
追隨杖履飽看山
只今事往傷耆舊
回首空歸六六灣

寄黃飲霞

知名誰不重南州得共仙舟作勝遊
遠樹依微連斷岸夕陽影裏汎中流
一聲長笛魚龍醒滿眼西風木葉秋
從此北歸冬漸暖小春時節野花稠

懷曹元之

從來不解因人熟老去英雄興漸無
刺眼紅桃憐宿雨連天青草媚平蕪
榮枯眼底翻棋局冷煖生涯守藥鑪
莫道山間幽事少時時野鳥自相呼

送族第鞏堂漱石

吾家誰得並爭先此日逢君庾杲蓮玉缺龍飛雙劍合蚌
胎月滿一珠圓柳牽晚翠流金勒花墮新紅繡錦韞回首
灞陵無限意春風送盡艷陽天

過陰秉三傳經草堂

湖水東歸浩蕩春荷衣終負百年身艱時方識飯香味避
俗應妨肉食人鼯鼠無羈窺果樹猿狙頻盜釣魚綸幽居
時濯滄浪水誰向桃源更問津

聞劉鰲石先生歸杭

心同活火盡成灰士行如何肯自媒敢效上堂元叙哭誰

憐撾鼓禰生才鳴蟲獨抱秋燈坐落葉還驚夜雨來憶到
君歸石牛路曾聞月嶂五丁開

寄瑞金楊方立待御兼懷令叔季重

湖光直似鏡中移佳景橫收對月陂鐫竹截筒搖鳳尾新
詩黏壁界烏絲珠能照夜惟三樹金爲欺人畏四知屈指
交情瞻海內竹林自昔最相思

美成堂奚囊詩一卷寄示門士廖淑南張試可巫遜

玉

草堂歸憶在南陂別後吳鹽點鬢絲豆架已除霜更落萼

門常掃客來遲夜編棋譜閒敲子朝折瓶花選勝枝汝輩
莫忘千古業江湖剩此一囊詩

過田家

村郊雨足麥油塌石峰前抱澗流擔上簑衣連箬笠門
前碌碡繫春牛墻桑奕奕家家綠社鼓鼕鼕處處幽塵世
無關生計足終年只有稻粱謀



瘦瓢山人蛟湖詩鈔卷四

七言絕句

閩寧化黃慎恭壽氏著

江南雜咏

三山門外望平蕪
春草春煙叫鷓鴣
古撲面梨花寒食雨
蹇驢又過莫愁湖

其二

柳眼青青送客過
白門草色近如何
明朝猶有故園思
燕子來時風雨多

憶蛟湖草堂

夜雨寒潮憶敞廬
人生只合老樵漁
五湖收拾看花眼
歸去青山好著書

病愈

病愈初晴嬾看山
短僮折得老梅還
窓前臥聽江南雨
輪與東風十日間

卽事

風翻柳絮日遲遲
燕語輕寒冷翠帷
不道自家吟老嫗
小鬢也自解新詩

江南

澤國鱗鱗俱擅美十年舒嘯謝公墩只今老眼空蕭瑟雨
雨風風過白門

其二

秦淮日夜大江流何處魂銷燕子樓砧搗一聲霜露下可
憐都作石城秋

其三

石城門外夕陽東消盡繁華絲管中幾日茶坊秋色好珊
瑚丈二鴈來紅

其四

十年客類打包僧無怪秋霜兩鬢鬢歷盡南朝多少寺讀
書頻借佛龕燈

其五

一臥滄波老釣徒故人夜雨憶三吳大江東去成天塹處
處春山叫鷓古

其六

雨餘燕子喜新晴旅館淒淒感舊情又見江南春色好十
年前記賣花聲

揚州懷古

叅軍一賦識秦聲
雨嘯風暉感舊情
爲問宋家州郭棣
不知何處築牙城

其二

湖邊菱葉臥鳧鷖
簫管催殘日又西
無力柳條春亦嬾
遊人尙自戀隋堤

其三

年少何當麴蘖埋
因循花事獨徘徊
空慚州左擁書夜
又上江都戲馬台

其四

隋苑迷樓起昔時六朝陳跡狎鷗知
畫船載得雷塘雨收拾湖山入小詩

其五

湖頭鸕鷀傍船栖越女吳姬唱轉低
弱柳難將春思繫風花不定廣陵西

其六

淡淡春山約柳腰玉人猶自憶吹簫
至今剩有煙波在月色朦朧廿四橋

卽事

曉愛荷風坐水亭
浪痕沙淨滿江汀
故人過我閒幽討
覓得焦山瘞鶴銘

其二

四月秧針綠已齊
膏車又過秣陵西
草迷池館前翻夢
記得壚頭醉似泥

維楊竹枝詞

簫聲吹澈月濛濛
羨殺歌兒愛比紅
水閣無人冰簟冷
鴛鴦深入藕花風

其二

人生只愛揚州住
夾岸垂楊春氣薰
自插園花間打扮
池邊綠映水紅裙

其三

院院笙歌送晚春
落紅如錦草如茵
畫船飛過衣香遠
多少風光屬酒人

其四

畫簷春暖喚晴鳩
曉起棠梨宿雨收
閒倚鏡奩臨水面
擬將時樣學蘇州

過彭蠡湖

峰回五老氣蒼蒼誰吊當年古戰場
欲買一尊江上奠孤帆隱隱趁斜陽

卽事

城都兒女喚稠餉一枕殘編午夢清
幾日風光春信好隔簾又聽賣花聲

其二

蘆簾不捲日西斜門長蓬蒿仲蔚家
無數幽懷何處着一瓶春水玉蘭花

其三

寒衣欲寄厚裝棉節近重陽又一年怕上湖亭蕭瑟甚漫
天風雨卸秋蓮

其四

墊巾漉酒師陶公瓦礫床頭夜滴紅醉眼摩娑憐幼子同
騎竹馬笑成翁

其五

晝暖一盆薺麥飯芽薑蒿笋愛江東春薰花氣蒸人骨一
夢華胥屬睡翁

其六

紅塵飛不到山家自採峰頭玉女茶
歸去溪雲携滿袖軟風撩亂碧桃花

雜咏

投竿空羨任公魚鬢點秋霜過五湖
今日歸來深竹塢春燈補讀未完書

其二

一筇一笠一癭瓢愛向峰頭把鶴招
莫道歸來無長物梅花清福也難銷

其三

生平作事笑離奇
冷暖歸來祇自知
十載桐花誰爲掃
孤高久惜鳳皇枝

其四

巴溪流水接湘潭
舊友飄零只二三
書到故園春已盡
梅花開日在江南

其五

谷口春風掠水涯
藤纏矮柳未全遮
泉添昨夜三更雨
手挈軍持自浸花

其六

江村地僻少人家
青草池邊響綠蛙
昨夜亭前風雨過
曉持竹帚掃桐花

其七

春來柳暖讀耕堂
坐拂花茵愛石床
門外秧針新綠遍
犢歸村巷背斜陽

其八

齋頭又檢一年春
供客梅花自不貧
瘦到可憐冰作骨
還疑孤影認前身

卽事

深巷輕寒到草堂
小環初試耳邊璫
綠痕春雨防苔滑
入夜持燈照海棠

題畫

藍內河魚換酒錢
蘆花被裏醉孤眠
每逢風雨不歸去
紅蓼灘頭泊釣船

姑山

大姑飛過小姑灣
樹鬱陰濃不可攀
今夜彭郎潮有信
廬峰指點是家山

昨夜

魏家池館宋家鄰
吹落梅花玉笛春
昨夜東風來社燕
畫梁高壘換泥新

淮安

日日船行折竹占
射陽湖畔賤魚鹽
板橋幾點梅花落
知有人家覓酒帘

其二

補網漁家夜結繩
褐衣兒女鬢髻髻
淮南淮北春消息
向曉舟人擊斷冰

眞州

故人今夕月無邊，安得洪厓共拍肩。
臨水小桃春浪暖，眞州江口夜行船。

寄懷楊星巖

惜別春風楊柳絲，懷君囊有玉堂詩。
長安道上歸心急，四月鱗魚櫻笋時。

閨情

春風散入鄴侯家，地碾殷雷百草芽。
愛殺阿華勞寤寐，分移墻角海棠花。

其二

鳳墮輕雲氣吐蘭、畫衣簾外怯春寒、粉勻朝浥茶蘼露、不語臨風鬪玉盤、

其三

繡幃日上睡猶酣、又聽春光三月三、偶過鄰家閒鬪草、背人先去摘宜男、

其四

楊柳紅橋碧玉家、門前寶馬七香車、舞裙不用盤金線、自榻滕王蛺蝶華、

其五

開到棠梨燕未知，鸞箋書破定情詩。
燈前無語嗔郎抱，愁壓春寒小立時。

其六

金鴨香沉冷繡幃，却憐酒醒換春衣。
蓮塘妬殺雙棲翼，打得鴛鴦對對飛。

其七

誰憐小鳳自妖嬈，眉鎖春山賽二喬。
最是一樓秋水冷，月斜人靜學吹簫。

其八

蓮塘春水宿鵝鷓、蝶翅初翻、粉色黏、自啟湘簾、窺衛玠、簪
花微露指纖纖、

其九

水閣無人晝啓簾、芭蕉新綠色如縑、美人睡起呼茶椀、鸚
武能傳到畫檐、

其十

孔雀屏開日影遲、看花無賴亦如癡、拈毫試學簪花格、臨
得曹娥絕妙辭、

十一

晏起慵粧額角黃、當年曾許嫁王昌、
袷衣怕滴桐花淚、燕子春寒語畫堂、

除夕

褐衣草草過殘年、勞祭詩神一勺泉、
癡僕賣馱歸負米、女兒又索買花錢、

病起

湘簾自起坐空堂、病愈閒抄肘後方、
近水樓臺秋意澹、芙蓉雨過十分涼、

劉昉

歸聽笙歌畫舫遲、愛君湖上賞花詩、吟哦今夜春燈雨、燕
子梁間睡熟時、

其二

山僮寂寂掃荆扉、簾外苔痕綠已肥、每到花時常病酒、不
防燕子語春歸、

謝太傅祠

薄暮閒過太傅祠、清華江左動人思、鴛鴦瓦覆雙株檜、曾
見將軍捲畫旗、

邗溝廟

霏霏絲雨客天涯
遙望城東十萬家
古廟邗溝爭報賽
袞裳猶自媚夫差

小雷宮

東行殘蕙露濛濛
過客年年思不窮
莫怪寒蟬泣秋月
青山一髮小雷宮

佛狸祠

江山千古橫雙眼
弔古聊憑酒一卮
大武空傳惟小字
荒煙慘澹佛狸祠

仙女廟

郊原草色綠萋萋
桂楫悠悠汎碧溪
遙望紫霞仙女廟
墻花剝落舊時泥

題梅

拾得梅花帶雪痕
石床片片點香魂
逋仙去後誰爲主
孤負光寒水月村

雪夜留別王竹樓

青雲事業總無能
况復衰年白髮增
夜發江頭流別淚
那堪堤畔結層冰

其二

客途相對惜衰顏
斷稿勞君着意刪
何事扁舟載明月
回頭夜半失狼山

庚午除夕與楊玉坡侍御舟中作

永昌門外木蘭舟
送臘高燒溯上游
剪燭話君思舊日
松盆火暖學揚州

其二

篙師量酒拜新年
守歲家家不夜眠
兒女忍寒無短褐
候門時望客歸船

懷興化王竹樓

古豐書屋月光寒老客多情笑
語歡曾記去年秋夜半
芙蓉泣露倚欄看

重過汪璞庄讀書堂

去歲五紋添線日驪駒一曲餞
君家重來遙望河堤上不
覺春風換柳芽

憶高雨船

與君水閣坐秋清忽聽歸鴻感
客情記得鍊詩風雨夜打
窓焦葉一聲聲

過如臯訪宗弟漱石

青郊春到老梅柯
白髮星星夜渡河
此日東風鄖子國
燕來重語別離多



余三十年前曾於友人處讀瘦瓢山人之畫、權奇擁腫、具不可一世之概、竊謂其畫與名稱、殆懷材不遇、以樗櫟而自全其天者乎、嗚乎、瘦瓢之生、尙在清雍乾盛、其噫鬱也已若此、設以瘦瓢而居今世、不知蘭荃幽怨、流露筆墨間者、更何似也、雷子壽彭、以是編示余、因得竟全集、天馬行空、不受人間馬勒、古體尤得屈騷、焦易之遺、余亦爨材早分、無聞於世、余之賞識、知且與世相違、君詩自佳、安用豐干饒舌耶、雷子將重刊是集、必欲余序、用跋數語、以副其意、石瓠葉大瑄敬跋、癸丑七月五夕。



蛟湖詩鈔勘誤表


卷	頁	行	字	誤	正
序三	一	四	十	撲	樸
一	四	二	一	稽	稭
一	五	一	十七	腸	腸
一	六	九	二十一	至	志
一	十	五	十二	腸	腸
一	十八	八	二及三	鐘傳	鍾傳
一	二十二	二	十一	傾	頃
一	二十三	五	十二	簽	簽
一	三十五	七	四	仗	伏

蛟湖詩鈔

勘誤表

四	三	三	三	三	二	二	二	二
十六	三十四	二十九	二十三	二	三十	二十八	二十二	十二
六	四	五	五	九	一	三	二	五
六	三	六	一	十一	八	一	十	十六及十七
詩	陪	屈	白	玉	簾	楊	谿	惜春
時	倍	屈	自	王	廡	揚	谿	春惜

清乾隆廿八年七月初版
中華民國二年八月再版



瘦瓢山人蛟湖詩鈔全壹册

重刊者

劉貴姚 馬貽謙
黎景曾 張鑑唐
伊宗陶 雷 霆
黃金鑾 雷壽彭

印刷所 福州印刷公司

福建省城內劍池後

